



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

ք. Երևան-0015, Մ. Խորենացու 3, 7

28.03.2023թ

Որոշում թիվ 000136/21

Վարչական իրավախախտման վերաբերյալ գործով վարույթը կարճելու վերաբերյալ

ՀՀ պետական եկամուտների կոմիտեի նախագահի տեղակալ Արթուր Մանուկյանն՝ քննելով 25.11.2022 թվականի «Հարկային պարտավորությունների հաշվարկումն անհնարին դառնալու վերաբերյալ» թիվ 3006425 արձանագրության հիման վրա հարուցված վարչական վարույթը, ուսումնասիրելով 28.03.2023թ-ի թիվ 136 վարչական իրավախախտման գործի վերաբերյալ արձանագրությունը և վարույթի նյութերը՝

Պարզեցի

ՀՀ ՊԵԿ նախագահի 11.10.2022թ-ի թիվ 3006425 հանձնարարագրի համաձայն՝ «ՆՈՐԱՆԻՍ» ՍՊ ընկերության (ՀՎՀՀ՝ 07624573) մոտ հանձնարարվել է իրականացնել համալիր հարկային ստուգում:

ՀՀ ՊԵԿ նախագահի 11.10.2022թ-ի թիվ 3006425 հանձնարարագրում ընդգրկված հարկային ծառայողների կողմից 25.11.2022թ-ին կազմվել է «Հարկային պարտավորությունների հաշվարկումն անհնարին դառնալու վերաբերյալ» թիվ 3006425 արձանագրությունը:

Համաձայն նշված արձանագրության՝ ստուգում իրականացնող պաշտոնատար անձանց կողմից 07.11.2022թ-ին և 18.11.2022թ-ին էլեկտրոնային եղանակով կազմակերպության տնօրենին ուղարկվել է երկու փաստաթուղթ-պահանջ, պահանջվել է ստուգող խմբին տրամադրել ստուգման հանձնարարագրով ընդգրկված ժամանակահատվածի մասով կազմակերպության ամբողջ հաշվապահական հաշվառումը, որը կհամապատասխանի «Հաշվապահական հաշվառման մասին» ՀՀ օրենքով սահմանված՝ հաշվապահական հաշվառման վարման հիմնական կանոններին, սակայն 25.11.2022թ-ի դրությամբ որևէ պատասխան չի ստացվել, ինչի հետևանքով անհնար է դարձել հարկային օրենսդրությամբ սահմանված կարգով հաշվարկել հարկ վճարողի հարկային պարտավորությունները:

«ՆՈՐԱՆԻՍ» ՍՊ ընկերության տնօրեն Ռոման Կանդիլյանի (ՀԾՀ՝ 1905810636, հասցե՝ Տավուշի մարզ, Բագրատաշեն 6 փ. 162. բն. 2) կողմից վերը նկարագրված արարքների համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 182.6-րդ հոդվածով:

Փաստի կապակցությամբ հարուցվել է վարչական վարույթ և «ՆՈՐԱՆԻՍ» ՍՊ ընկերության տնօրեն Ռոման Կանդիլյանին 23.12.2022 թվականին փոստային ծառայության միջոցով ուղարկվել է ծանուցագիր (Տավուշի մարզ, Բագրատաշեն 6 փ. 162. բն. 2 հասցեով) 09.01.2023 թվականին կայանալիք վարչական վարույթի նյութերի նախապատրաստմանը, արձանագրության կազմմանը մասնակցելու վերաբերյալ:

03.01.2022թ-ին ծրարը վերադարձվել է «տեղափոխված» նշագրումով, իսկ «Հարկատու 3» տեղեկատվական բազայում այլ հասցե, որով հնարավոր կլինի ապահովել վարույթի վերաբերյալ ծանուցումը, առկա չէ:

Վերոգրյալի հիման վրա 09.01.2023թ-ին կայացվել է որոշում վարչական վարույթը կասեցնելու մասին՝ մինչև վարչական ակտի հասցեատիրոջն իրազեկելը՝ համաձայն «Վարչարարության հիմունքների և վարչական վարույթի մասին» ՀՀ օրենքի 49 հոդվածի 1-ին մասի «գ» կետի:

Արձանագրությունը կազմելու, նյութերի նախապատրաստմանը և գործի քննությանը մասնակցելու վայրի և ժամանակի մասին «ՆՈՐԱՆԻՍ» ՍՊ ընկերության տնօրեն Ռոման Կանդիլյանը ծանուցվել է, սակայն 23.03.2023թ-ին ծրարը վերադարձվել է «տեղափոխված» նշագրումով, իսկ «Հարկատու 3» տեղեկատվական բազայում այլ հասցե, որով հնարավոր կլինի ապահովել վարույթի վերաբերյալ ծանուցումը, առկա չէ:

Վարչական իրավախախտումների վերաբերյալ ՀՀ օրենսգրքի 182.6-րդ հոդվածով նախատեսված պատասխանատվության միջոցի կիրառումը հնարավոր է հետևյալ գործողություններից որևէ մեկի դեպքում.

1) հարկային հսկողություն իրականացնող պաշտոնատար անձի օրինական պահանջները չկատարելու,

2) տնտեսավարող սուբյեկտի՝ հարկային հսկողություն իրականացվող տարածք նրա մուտք գործելն արգելելու,

3) հարկային հսկողության նպատակներին անմիջականորեն առնչվող փաստաթղթեր, տվյալներ և այլ տեղեկություններ նրան չտրամադրելու,

4) օրենքով սահմանված կարգով իրականացվող հարկային հսկողության ընթացքին այլ կերպ խոչընդոտելու համար:

Պետք է նշել նաև, որ Վարչական իրավախախտումների վերաբերյալ ՀՀ օրենսգրքի 182.6-րդ հոդվածի կիրառման համար անհրաժեշտ պայման է հանդիսանում այն, որ վերոհիշյալ արարքներից թեկուզ մեկը կատարվի փաստացի իրականացվող հարկային հսկողության ընթացքում, և խոչընդոտ հանդիսանա նշված հարկային հսկողության հետագա ընթացքն ապահովելու համար:

Տվյալ դեպքում վարույթն իրականացնող մարմինը հարկ է համարում նշել, որ 25.11.2022 թվականի «Հարկային պարտավորությունների հաշվարկումն անհնարին դառնալու վերաբերյալ» թիվ 3006425 արձանագրության կազմման համար փաստական հիմք է հանդիսացել ընկերության տնօրենի ստուգումն իրականացնող անձանց ստուգման հանձնարարգրով ընդգրկված ժամանակահատվածի մասով կազմակերպության ամբողջ հաշվապահական հաշվառումը չտրամադրելու միջոցով, միաժամանակ նկատի ունենալով,

որ ստուգումը փաստացի ավարտվել է և 26.12.2022թ.-ին կազմվել է ստուգման ակտը, ինչպես նաև հաշվի առնելով այն հանգամանքը, որ անհնարին է հասցեատիրոջը պատշաճ ծանուցելը, վարույթն իրականացնողը գտնում է, որ չի հիմնավորվում ընկերության տնօրենի կողմից ստուգման ընթացքը խոչընդոտելու փաստը:

Հիմք ընդունելով ամբողջ վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 244¹⁴, 247-րդ հոդվածի 1-ին մասի 1-ին կետով, 281 հոդվածներով, 282 հոդվածի 2-րդ կետով՝

ՈՐՈՇԵՑԻ

«ՆՈՐԱՆԻՍ» ՍՊ ընկերության տնօրեն Ռոման Կանդիլյանի վերաբերյալ իրականացվող թիվ 136 վարչական վարույթը կարգել



ԱՐԹՈՒՐ ՄԱՆՈՒԿՅԱՆ